
Pazo dos condes de Ribadavia

Pazo barroco que pertenceu á familia Sarmiento, que se estableceu nesta vila ao serlles concedido o señorío de Ribadavia e o título de “Adiantados Maiores do Reino de Galicia” en 1375 polo rei Enrique II en favor de Pedro Ruiz Sarmiento.

Os Sarmiento conseguiron no 1476 o título de Condes de Ribadavia, concedido polos Reis Católicos. O título perdeuuse cando falecer o XVIII Conde, D. Ignacio Fernández de Henestrosa e Gayoso dos Covos.

O escudo de armas dos Sarmiento está formado por trece bezantes de ouro, destacando no brasón condal que se atopa na fachada principal tamén as armas dos Castro e Mendoza.

O pazo é unha fermosa obra barroca, con dous patios, un deles de distribución a diferentes dependencias, e un patio, de gran beleza, cunha balconada artística e miradoiro ao río Miño. Ten outros balcóns e solainas dunha gran fermosura, e numerosos escudos dos Sarmientos. Tamén destaca o pequeno edificio abovedado do antigo arquivo dos Condes de Ribadavia.

Actualmente acolle a oficina de turismo, mailo Centro de Interpretación Xudía de Galicia, cunha exposición permanente onde o visitante pode comprender a historia dos xudeus galegos deica a súa expulsión.

URL de orixe: <http://turismoribadavia.com/node/125>